

ԳԵՐԱՇՆՈՐՀ Տ. ԵՂԻՇԵ ԵՊԻՍԿՈՊՈՍ ՍԻՄՈՆՅԱՆ

Գերաշնորհ Տ. Եղիշե եպիսկոպոս Սիմոնյանը ծնվել է 1900 թվականի մարտի 15-ին, Զմյուռնիայի շրջանի Քասաբա գյուղաքաղաքում: Ավարտել է տեղի ազգային վարժարանը:

1913—1918 թվականներին աշակերտել է Երուսաղեմի հայոց Սրբոց Հակոբյանց վանքի ժառանգավորաց վարժարանին:

1919 թվականին վերադառնալով ծննդավայրը, հաճախել է Իզմիրի Ամերիկյան կոլեջը, որի դասընթացը հաջողությամբ ավարտելով, ստացել է Բ. Ա. (պսակավոր արվեստից) աստիճանը 1922 թվականին:

1924 թվականին հաստատվել է Հյուսիսային Ամերիկայի Միացյալ Նահանգներում և հաճախել Նորթֆորդի աստվածաբանական ճեմարանը և ապա Նյու-Յորքի Յունիոն աստվածաբանական ճեմարանը: Այնուհետև շրջանավարտ է եղել Պրովիդենսի Բրոուն համալսարանից Մ. Ա. (մագիստրոս արվեստից) աստիճանով:

1932 թվականին կուսակրոն քահանա է ձեռնադրվել նահատակ հոգեւոյս Տ. Ղևոնդ արքեպիսկոպոս Դուրյանից: Երկար տարիների ծառայել է որպես հոգևոր հովիվ Նյու-Յորքի հայոց Ս. Խաչ եկեղեցում:

1965 թվականի նոյեմբերի 7-ին եպիսկոպոս է ձեռնադրվում Ամենայն Հայոց վեհափառ Հայրապետից:

Գերաշնորհ Տ. Եղիշե եպիսկոպոս Սիմոնյանը հավատավոր, եկեղեցական լուրջ պատ-



րաստություն ունեցող հոգևորական է: Սրբազանը յուրովսանն և խղճի մտոք ծառայում է Հայ Եկեղեցուն:

